

## **Paurtadjî.**

Paurtadjî !  
Passer èchone,  
Yute dès maus.

Au d'la dès nûléyes,  
On soûrdant potcherè foû d' tête,  
I rapairirè lès pachis,  
I tchanterè dins lès bwès.

Li coleûr d'on laîrdjè  
Nos ratind al crwèjeléye.  
Au d'la, qu'i-gn-a qu' do nwêr,  
Nos r'trov'rans nos plaîjîs.

Dimwin racontrè  
Qui n's-èstans  
Rapaujîs !

Mauj'ni

## **Sondje**

Dji sèreû on mouchon,  
Dji grip'reû aus nûléyes  
Sicroter dès djoûs d' bon  
Po s' laudje nîtéye.

Dji sèreû on sauvèrdia  
Aus plumes d'èsté,  
Dj'ireû qwêre li solia  
Po nos l' mète su l' costé.

Dji sèreû on tirliri  
Potchant d'one coche à l'ôte  
Dj'agrip'reû m' nid  
A vosse finièsse, sins onte.

Mins dji n' so qu'on mwaîs scrîjeû,  
Qu'a dès vîs sondjes plin s' tièsse,  
Qui voureût co fé fièsse,  
Èt qui n' sét catchî sès peûs.

Mauj'ni